

الضريبة الحضرية والخدمات الجماعية. الضريبة د السكن و د النظافة

الموضوع د البرنامج ديالنا اليوم غايدخلنا إل العالم ديال الضرائب. و غانتكلموا على الضريبة ماشي ديال الخدمة ولكن ديال السكن. قبل كانت الضريبة الحضرية و ضريبة واحدة أخرى اللي كانتسمى على النظافة. ف 2007 القانون غادي يوحدهم بجوج و غادي نبدأو نسمعوا الضريبة على السكن و الخدمات الجماعية. الضريبة الحضرية يمتي خاصني نخلصها؟ خاصني نخلصها من بعد 5 سنين إلا يلاه شريت الدار. بالصحة و الراحة. و من بعد كل عام غادي نخلص هاديك الضريبة من بعد خمس سنين. أما الضريبة على النظافة راه كاتخلص من العام الأول كانخلصوها ف كل سنة. نتكلموا دابا إلا ما خلصناش ف الوقت هنا غانعرفوا بأن كايينة واحد الغرامة إلا كاتوصل حتى 10 % من داكشي اللي خاصنا نخلصوا من بعد كل شهر غادي تبدأ تزداد علينا 5% إبن من الأحسن نخلصوا.

شكون اللي واجب عليه إدي؟ واش مول الدار و لا السيد اللي كاري. القانون كايغول بان مول الدار، السيد اللي عندو الرسم ف الإسم ديالو هو اللي غادي يخلص هاد الضرائب. دابا السؤال اللي غادي يجي البال ديالي: إلا داك السيد باع الدار و ماخلصش الضرائب، السيد اللي شرا داك السيد اللي شرا راه من اللزوم و من المسؤولية ديالو إدي الضرائب ديال السيد اللي باع ليه. و هنا الدور ديال الموثق دائما ندوزو عند الموثق لأن الموثق كايشف جميع هاد الأمور، عاد كايغول لك شري أو لا لا.

الضريبة الحضرية أو لا الضريبة ديال النظافة راها كاتجي إل عند مول الدار السيد اللي عندو الرسم ف الإسم ديالون ماشي عند السيد اللي كاري، هادي من جهة. حاجة أخرى إلا غادي نشريو دار أخرى نتيقنوا بأن الناس اللي كايبيعوا أنهم خلصوا الضرائب اللي عليهم وإلا غادي تجي إل عندي. و آخر حاجة بالنسبة للناس اللي عندهم ف الدار ديالهم شي حد كاري و خرج، يعملوا دار الضريبة. و هادشي كل إلا گناه راه غير باش تستهلك و بلا ما تهلك.